

春秋穀梁傳

冊四

春秋穀梁傳卷十六

晉豫章太守順陽范甯集解

甯集解

明後學東吳葛

鼎較訂

襄公

十有六年春王正月葬晉悼公

三月公會晉侯宋公衛侯鄭伯曹伯莒子邾子薛伯杞伯小邾子于溴梁

溴梁地○
溴古闕反

戊寅大夫盟

傳溴梁之會諸侯失正矣諸侯會而曰大夫盟正

在大夫也。諸侯在而不曰諸侯之大夫。大夫不臣也。

晉人執莒子邾子以歸。

齊侯伐我北鄙。

夏公至自會。

五月甲子地震。

叔老會鄭伯。晉荀偃。衛甯殖。宋人伐許。

秋齊侯伐我北鄙。圍成。

大雩。

冬叔孫豹如晉。

十有七年春王二月庚午邾子矡卒。

宋人伐陳。

夏衛石買帥師伐曹。

秋齊侯伐我北鄙圍桃齊高厚帥師伐我北鄙圍防。

九月大雩。

宋華臣出奔陳。

冬邾人伐我南鄙。

十有八年春白狄來。

不言朝不能行朝禮

夏晉人執衛行人石買。

傳稱行人怨接於上也。

人怨其君而執其使稱行人明使人爾罪在上也。

秋齊侯伐我北鄙。

冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊。

傳非圍而曰圍。

據實伐。

齊有大焉亦有病焉。

齊若無罪諸侯

豈得同病之乎。

非大而足同焉。

齊非大國諸侯同共圍之與。

諸侯同

罪之也亦病矣。

諸侯同罪大國所讎則亦病矣。

曹伯負芻卒于師。

傳閔之也。

楚公子午帥師伐鄭。

十有九年春王正月諸侯盟于祝柯。

前年同圍齊之諸侯也。祝柯齊地。

晉人執邾子公至自伐齊。

傳春秋之義已伐而盟復伐者則以伐致。京城北之類是。

下○復扶又反。及注皆同。盟不復伐者則以會致。會於蕭魚。祝

柯之盟盟復伐齊與。怪不以會致。曰非也。不復然則何

爲以伐致也。曰與人同事或執其君或取其地。同與

邾圍齊而晉執其君魯取其地此與盟後復伐無異。

取邾田自澣水。

以澣水爲界。○澣火號反。又音郭。

傳 軋辭也。

軋委曲。隨潮水。言取邪。田之多。○軋於八反。

其不日惡盟也。

○惡鳥路反。

季孫宿如晉。

葬曹成公。

夏。衛孫林父帥師伐齊。

秋七月辛卯。齊侯環卒。

晉士匄帥師侵齊。至穀。聞齊侯卒。乃還。

傳 還者。事未畢之辭也。受命而誅。生死無所加其

怒。不伐喪。善之也。善之。則何爲未畢也。君不尸小

事。臣不專大名。善則稱君。過則稱己。則民作讓矣。

士匄外專君命。故非之也。然則爲士匄者宜奈何。

宜墀帷而歸命乎介。介除地爲墀。於墀張帷。反命於介。介歸告君。君命乃還。不敢

專也。○墀音善。

八月丙辰仲孫蔑卒。

齊殺其大夫高厚。

鄭殺其大夫公子嘉。

冬葬齊靈公。

城西郭。

叔孫豹會晉士匄于柯。

地柯。

城武城。

二十年春王正月辛亥仲孫速會莒人盟于向。

向莒
邑莒

夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵。

澶淵衛地○
澶市然反

秋公至自會。

仲孫速帥師伐邾。

蔡殺其大夫公子濕。蔡公子履出奔楚。

陳侯之弟光出奔楚。

傳諸侯之尊。弟兄不得以屬通。其弟云者。親之也。

親而奔之。惡也。

顯書弟明其親也。親而奔逐之所。以惡陳侯。○光左氏作黃惡音烏。

反路

叔老如齊。

冬十月丙辰朔日有食之。

季孫宿如宋。

二十有一年春王正月公如晉。

邾庶其以漆闔丘來奔。

傳以者不以者也。

凱曰。人臣無專。祿以邑叛之道。

來奔者不言出。

舉其接我者也。漆闔丘不言及小大敵也。

夏公至自晉。

秋。晉欒盈出奔楚。

九月。庚戌朔。日有食之。

冬十月。庚辰朔。日有食之。

曹伯來朝。

公會晉侯。齊侯。宋公。衛侯。鄭伯。曹伯。莒子。邾子。于商任。

○商任。某地。
○任。音壬。

傳庚子。孔子生。

二十有二年。春。王正月。公至自會。

夏四月。

秋七月辛酉叔老卒。

冬公會晉侯齊侯宋公衛侯鄭伯曹伯莒子邾子滕子薛伯杞伯小邾子于沙隨公至自會。

楚殺其大夫公子追舒。

二十有三年春王二月癸酉朔日有食之。

三月己巳杞伯匄卒。

○匄古害反

夏邾畀我來奔。

○畀必二反

葬杞孝公

陳殺其大夫慶虎及慶寅。

傳稱國以殺罪累上也。及慶寅。慶寅累也。

陳侯之弟光自楚歸于陳。

光反。稱弟言歸。無罪明矣。

晉欒盈復入于晉。入于曲沃。

曲沃。晉地。○復扶又反。

秋。齊侯伐衛。遂伐晉。

八月。叔孫豹帥師救晉。次于雍渝。

雍渝。晉地。○雍于用反。

傳言救後次非救也。

先惡其不遂君命而後言次。尊止次。故

臣之義。鄭嗣曰。次止也。凡先書救而後言次。皆非救也。僖元年。齊師宋師曹師。次于聶北。救邢。此師

本欲止聶北。遙為之援。爾隨其本意。而書故先言次。而後言救。豹本受君命救晉。中道不能。故先言

救。而後言。致其本意。○惡烏路反。而

己卯仲孫速卒。

冬十月乙亥。臧孫紇出奔邾。

傳其曰正臧孫紇之出也。

正其有罪。蘧伯玉曰。不以道

事其君者。其出乎。

必不見容。○蘧其居反。

晉人殺欒盈。

傳惡之弗有也。

不言殺其大夫。是

齊侯襲莒。

輕行掩其不備曰襲。

二十有四年春。叔孫豹如晉。

仲孫羯帥師侵齊。

夏。楚子伐吳。

秋。七月。甲子朔。日有食之。既。

齊崔杼帥師伐莒。

大水。

八月。癸巳朔。日有食之。

公會晉侯。宋公。衛侯。鄭伯。曹伯。莒子。邾子。滕子。薛伯。

杞伯小邾子于夷儀。

冬楚子蔡侯陳侯許男伐鄭。

公至自會。

陳鍼宜咎出奔楚。

叔孫豹如京師。

大饑。

傳五穀不升爲大饑。

升成也。

一穀不升謂之嗛。

嗛不足貌。

○簞反。

二穀不升謂之饑。三穀不升謂之饑。四穀

不升謂之康。

康虛。

五穀不升謂之大侵。

傷侵。

大侵之禮。

君食不兼味。臺榭不塗。

塗塗飾。榭音謝。

弛侯廷道不除。

燕射廢也。侯射侯也。廢侯不射。廷內道路不脩除。百官布而不制。官取脩列不可

闕廢不更造作。鬼神禱而不祀。周書曰：大荒有禱無祀。此大侵之

禮也。

二十有五年春。齊崔杼帥師伐我北鄙。

夏五月乙亥。齊崔杼弑其君光。

傳莊公失言淫于崔氏。放言將淫崔氏。為此見弑也。邵曰：淫過也。言莊公言

語失漏有過於崔子而崔子弑之。故傳載其致弑之由以明崔杼之罪甚。○為于偽反。

公會晉侯。宋公。衛侯。鄭伯。曹伯。莒子。邾子。滕子。薛伯。

杞伯。小邾子。于夷儀。

六月壬子。鄭公孫舍之帥師入陳。